

# Dienelkander



**Nuusbrief van die Gereformeerde Kerk Potchefstroom-Oos**

## **Bedieningstema Oktober 2024 Gebedsbediening – Hand. 1:14**

**13 Oktober 2024**

**09:30 OGGENDEREDIENS:  
Ds. Piet Venter**

Ons gaan vir die volgende paar weke ons bedieningsfokus plaas op die geweldig belangrike saak van elke gelowige se gebedsverhouding met die Here. Maar ook op ons as gemeente se gebedsbediening aan mekaar - in die wyse hoe ons vir mekaar en vir die gemeente voorbidding doen. In die Laerskoolkatkisasie word daar ook in hierdie tyd aandag gegee aan die Ons Vader-gebed.

### 1. Prediking.

Die Woord van God gaan in 'n reeks preke bedien word uit 1 Konings 3: 2 - 16 waarin op verskillende aspekte van gebed gefokus word.

### 2. Voorbidding

Tydens elke erediens gaan daar vir 'n spesifieke groep of saak in die gemeente deur 'n lidmaat voorbidding gedoen word.

Vandag word daar vir ons gesinne voorbidding gedoen. Ouers en kinders kom hierdie tyd van die jaar onder geweldige druk

met eksamens asook werksdruk teen die einde van die jaar. Ons bid dat die Here elke ouerpaar as 'n geestelike eenheid sal versterk sodat hulle geestelike leiding aan hulle kinders kan gee om die druk van die lewe te leer hanteer.

### 3. Gebedsweek - intensiewe fokus op gebedstoerusting

Van Maandag 21 Oktober tot Donderdag 24 Oktober gaan daar saans om 19:00 'n 30 minute Zoomgesprek wees waartydens daar aan die hand van Sondag 45 toerusting oor gebed gedoen gaan word en ook geleentheid gegee word vir voorbidding. Die toerusting van elke aand sal opgeneem word om die volgende dag per WhatsApp aan lidmate gestuur te word wat nie toegang tot Zoom het nie.

### 4. Wapendraer-Sondag (Mooi vrug van die Vlamvat-projek)

Ons jaarlikse Wapendraer-Sondag sal plaasvind op Sondag 27 Oktober waartydens daar op voorbidding vir geestelike leiers gefokus sal word.

Prediking vandag:

Salomo se diens as koning kon seker nie op 'n beter manier begin nie! Hy het die Here lief en gaan na Gibeon om die Here daar met offers te dien. In 'n droom verskyn die Here aan hom en vra vir hom: "Wat wil jy hê moet Ek vir jou gee?". Wat openbaar die Here met hierdie woorde van Homself in sy verhouding met jou? Hierdie gesindheid van God roep ons tot vrymoedige gebed! Wat sal jy antwoord as God vandag vir jou sou vra: "Wat wil jy hê moet Ek vir jou gee?....."

**Tema: Ware gebed is gegrond in 'n liefdesverhouding tussen God en ons.**

**Lofsang met die oog op die erediens**

Sb. 1 – 10: 1, 2, 3

**Ontmoetingsdiens**

Intreelied: Sb. 20 – 1: 1, 4, 6, 7; Votum;  
Seën; Loflied Ps. 33 – 1: 1, 6; Geloofs-  
belydenis: 12 Artikels – almal hardop saam

**Verootmoedigingsdiens**

Wet: Fokus op die Vierde Gebod;  
Heidelbergse Kategismus Sondag 38;  
Sing Ps. 84 – 1: 1, 4; Gebed

**Woorddiens**

Skriflesing: 1 Konings 3: 1 - 15;  
Tekstvers: Verse 3 en 4;  
Sing Ps. 119 – 2: 26, 27 (kinders na hulle  
Woordbediening); Woordverkondiging

**Antwoorddiens**

Sing staande: Ps. 116 – 2: 1, 2;  
Voorbiddinggebed vir gesinne deur oudl.  
Pierre Volschenk; Bevestiging van ouderling;  
Sing: Ps. 134 – 4: 4; Seën; Sb 13 - 2.

## GROEPBEDIENING

Soos gereël in groepe.

### OKTOBER 2024: GEBED

**Hand. 1:14** *"Hulle het almal eensgesind volhard in die gebed saam met 'n aantal vroue, onder wie ook Maria die moeder van Jesus. Sy broers was ook by."*

**Hoe bid ek (vir myself en vir ander)?**

- 1. "Kol. 4: 2** *"Volhard in die gebed. Wees daarby waaksaam en dankbaar.."*  
Moenie ophou bid vir jou geliefdes nie. Volhard beteken om konsekwent kragtig aan te hou, vol te hou en deur te druk.  
Bid: Wat hulle ook al dra, ek bid dat U hulle sal help om dit te dra. Help hulle om te weet hoe lief U hulle het. Breek alles af wat in die pad staan om U te leer ken. Help my om nie op te hou om vir hulle te bid nie, en wys my hoe om vir hulle te bid.
- 2. Kol, 4:3** *"en bid tegelykertyd ook vir ons, bid dat God vir ons 'n deur vir die woord oopmaak sodat ons die geheimenis van Christus kan verkondig waarvoor ek hier gevange sit,"*  
Wanneer ons begin bid vir geleenthede om God se liefde te betoon/wys, sal God daardie gebed beantwoord.  
Bid: Vra vir geleenthede om die beste nuus ooit (dit wat Jesus kom doen het) te deel met dié wat jy ken of met mense wat jy teëkom, vir moed om deur daardie deure te stap wanneer hulle oopgaan.

**3. Kol. 4:4** *“Bid dat ek dit duidelik sal verkondig soos dit my opgelê is.”*

Bid: Vra God om my/jou moed te gee terwyl jy Jesus se evangelie deel. Bid dat Hy vir jou die regte woorde gee, dat jy duidelik is wanneer jy die goeie nuus oor God se liefde met hulle deel en op 'n manier wat hulle kan ontvang en verstaan.

**4. Kol. 4:5** *“Tree met wysheid op teenoor die mense wat nog buite die gemeente is, maak die beste gebruik van elke geleentheid”*

Bid: Onse Vader, gee asseblief vir my wysheid vandag. Wys vir my met wie ek 'n vriendskap kan bou. Help my om my tyd goed te bestuur sodat ek in ander kan belê. Ek bid dat U vir my empatie en medelye vir ander sal gee, en dat ek altyd bewus sal wees van hoe ek U verteenwoordig aan dié wat U nie ken nie.

**5. Kol 4:5** *“Wat hulle sê, moet altyd vriendelik wees en van goeie smaak getuig, en julle moet weet hoe julle elkeen behoort te antwoord.”*

Bid: Laat ek asseblief die regte woorde sê wanneer ek met mense praat wat seer het en wat U nie ken nie. Help my om konsekwent te luister na mense. Ek wil 'n leerder/leerling wees van die Woord van God. Ek wil die waarheid wys en uitleef van hoe liefdevol U is.

### **MEELEWING**

- Christo van der Walt se skoueroperasie het goed afgeloop en hy sterk tuis aan.
- Marie Oosthuizen is uit die hospitaal ontslaan en sterk tuis aan.

- Magda Huisman se knievervangingsoperasie het goed afgeloop.
- Esti van der Westhuizen ondergaan eerskomende Woensdag 'n knievervangingsoperasie.
- Heleen Kruger het 'n terugslag beleef met haar gesondheid en is met vrog op die lange gediagnoseer.

**Ons bid al hierdie lidmate troos en beterskap toe in hierdie beproewings.**

### **ONS VRA VOORBIDDING VIR DIE VOLGENDE LIDMATE WAT SUKSEL MET SIEKTE OF SWAK GESONDHEID**

Estette Bredenkamp, Kitty Kruger, Annatjie Duvenage, Bettie Niemand, Rita Schutte, Marianna Kruger en Marianna du Plessis.

### **BEDIENINGE VAN HIERDIE WEEK**

#### **Vandag**

09:00 Gebedsgroep

09:30 Oggenddiens

Kleuterbediening

Katkisasie, les 27

Tee en koffie

Groepbediening

#### **Maandag**

17:00 Diakoniedagbestuur vergadering

18:00 Kersmark

19:00 Jeugdiensgroep Zoomvergadering

#### **Dinsdag**

06:00 Manne Ondersteuningsgroep

17:00 Eiendommediensgroep

18:00 Katkisasie gr 8 - 10

18:30 Sustersafsluiting

## Woensdag

Geen Bybelstudie - staan oor na 30 Okt.

18:00 Katkisasie gr 11

## Donderdag

17:30 "Griefshare"-bediening

## Saterdag

Dankbaarheidsfees

### **Wit Olifant projek ten bate van Ikageng Kerkplant (Matlwang) (Groep 25 Bediening-na-Buite inisiatief)**

Terwyl almal besig is om bietjie 'n Lente-opruim by die huis te doen, vra ons wyk julle hulp. Enige goeie, bruikbare en werkende 'wit olifante' wat rondstaan of rondlê of rondhang en julle nie meer gebruik nie (meubels, gereedskap en ook daardie klere wat jy nog altyd – maar nou beslis gaan uitgooi) word benodig. Bring dit skuur toe of laat weet en ons kom haal dit sommer. Weet jy van groente kweek en kompos maak? Kan jy help met die beplanning van 'n Nasorg-sentrum? Weet jy dalk waar ons 'n 'container' kan kry? Kan jy 'n vrag bogrond skenk of borg? Kan jy help om 'n donkiekar te bou om water te vervoer?

Kontak Naas Ferreira 082 897 3966 of [naas.ferreira@nwu.ac.za](mailto:naas.ferreira@nwu.ac.za).

### **AFKONDIGINGS**

- Liefdegawes vandag: Diakonie (Groot boks) en Thusofonds (Klein boks), Zapper-betaalmetode beskikbaar.
- Gawes volgende Sondag by die deure vir ons eie Diakonie.
- Vrywillige bydrae vir voertuigsekuriteit kan in die bussies gegooi word.
- Diensbeurt: Groep 24 en 25.

## VERJAARSDAE

Baie geluk aan almal wat DV hierdie week verjaar!

### **Sondag, 13 Oktober**

Br Pieter Erasmus

Sr Mariana Plotz

### **Maandag, 14 Oktober**

Jbr Lohandrè de Klerk

### **Donderdag, 17 Oktober**

Sr Hannie Niemand

Sr Estelle v Hamburg \*

### **Vrydag, 18 Oktober**

Jsr Janelle du Plessis

Sr Susan Lourens \*

### **Saterdag, 19 Oktober**

Br Frans Kruger \*

Jbr Dylan v Lith

\* Lidmate met spesiale verjaarsdae –  
75 jaar en ouer

**KERSBEDERF - HIER KAN JY  
OOK IETS DOEN VIR IEMAND  
ANDERS**



Ons gemeente se Susters gee jaarliks vir ongeveer 25 gesinne in ons gemeente 'n "Bederf-emmer" / "Bederf-boks" voor Kersfees om 'n lekker Kersete mee voor te berei.

Ons wil graag 'n beroep op kleingroepe en individuele huisgesinne doen om saam te span en items vir so 'n boks/emmer te skenk om sodoende die las bietjie ligter te maak. Vir een so 'n boks/emmer benodig ons die volgende nie-bederfbare items:

- Pasta
- Mayonaise
- Ingemaakte slaaie
- Jellie en Vla
- Aanmaakkoeldrank
- Koekies of ander lekkernye
- Kitspoeding / kitskoek

Ander items wat 'n Kersfeesete vir 'n gesin spesiaal sal maak, is ook natuurlik welkom - hierdie is maar net 'n riglyn.

Baie dankie dat ons u kan vra om dit met groepbediening / huisbesoeke aan julle groep voor te lê. Laat weet gerus vir Hestie (072 383 9510) of tannie Anna (082 765 9813) indien julle kleingroep / huisgesin hieraan sal deelneem.

## GKSA-NUUS

Beroepe ontvang

- Ds PGP (Pieter) le Roux van GK Wonderboompoort na GK Die Kandelaar
- Ds TJ (Tommie) van Vuuren van GK Heilbron na GK Delmas

Beroep nie aanvaar nie

- Ds PGP (Pieter) le Roux van GK Wonderboompoort na GK Pietermaritzburg

## DANKBAARHEIDSFEEES – 19 OKTOBER – HOU DIE DATUM OOP!

Die Diakonie nooi die hele gemeente uit na hierdie heerlike geleentheid!

Bring asb eie eetgerei en drinkgoed.

Onthou asb om so gou moontlik jou plek te bespreek.





# SUSTERS

2 KOR. 7:1 "... LAAT ONS ONS DAN REINIG VAN ALLES WAT LIGGAAM EN GEES VERONTREINIG, EN ONS IN GEHOORSAAMHEID AAN GOD VOLKOME AAN HOM TOEWY."

## SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die "Zapper App" aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



## TEESKINK-GELEENTHEID

Tee en koffie word vandag na die oggenddiens in die Skuur bedien.  
Baie dankie aan groepsusters en hul groepe wat vandag hiermee help:  
Marlise Styger en groep 8, Riekie Storm en groep 26, asook Hannie Niemand en groep 34.

## BLIKKIES-WARMHARTE

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.

Bring gerus vir ons daardie kleingeld wat julle in grendeltyd opgegaar het vir hierdie fonds.  
Baie dankie vir julle getroue bydraes!

## KANSA



Liewe suster, soos jy reeds weet ondersteun ons gemeente jaarliks vir KANSA. Ons wil steeds hierdie jaar probeer om hulle te ondersteun. Indien jy, familie of vriende tot hierdie projek wil bydra kan jy gerus jou donasie aan die kerk oorbetal met verwysing "KANSA" sodat ons weet om die geld aan hulle oor te betaal. Daar is ook koevertjies in die voorportaal beskikbaar, spesiaal vir KANSA-bydraes!

## DANKIE

Liewe Susters

Net om dankie te sê vir die heerlike Vla-koek wat ek ontvang het met my verjaarsdag. Dit was 'n aangename verrassing!

Fanie van Zyl

## KWARTAALPROGRAM

DATUM	DAG	TYD	WIE	WAT
Okt - Nov	-	-	Almal	Kansaprojek
15 Okt	Dinsdag	18:30	C	Potch-Oos Sustersafsluiting
19 Okt	Saterdag	16:00	Diakonie	Dankbaarheidsfees
23 Okt	Woensdag	10:00	A	Seniorlidmate: Afsluiting
25 Okt	Vrydag	18:00	B	Wegneemetes
17-Nov	Sondag	12:00	D	Nagmaalete
28 Nov - 7 Des	Don - Sat	07:00 tot 20:00	Almal	Moorivier Kersmark

## BAIE DANKIE AAN ONS BORG DIE WEEK



**Rooi Windpompentrum,**  
Retiefstr. 61, langs aan Chubby Chick Outlet.  
Telnr: 018 523 0111

**The Views Lifestyle Centre**  
Klinkenbergstraat, van der Hoffpark  
Potchefstroom  
Telnr. 087 527 0029

Veilige parkering

**ONS BAK MET PASSIE/WE BAKE WITH PASSION**



# Oosdoppertjie-Jeugbediening

## 1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

## 2. Bediening vir voorskoolse jeug tydens erediens

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening, is welkom om Tineke te kontak.

Kontakpersoon: Tineke van Rooyen (084 657 1019)

## ALGEMENE INLIGTING

### LIEFDEGAWES VIR BARMHARTIGHEID (DIAKONIE)



Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

### KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Ds. Daan Bakker - 082 829 8456

Student Pieter Deysel – 079 695 0027

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

### BANKBESONDERHEDE

#### **Geref. Kerk Potchefstroom-Oos**

ABSA Bank

Tjekrek: 670 340 066

Takkode: 632-005

#### **Diakonie**

ABSA Bank

Tjekrek: 670 280 160

Takkode: 632-005

#### **Susters (Nuwe rek)**

FNB

Tjekrek: 631 043 29130

Takkode: 250 655

### SOSIALE MEDIA

**WhatsApp:** 067 713 2332

**Facebook:** [www.facebook.com/oosdoppers](http://www.facebook.com/oosdoppers)

**Webblad:** [www.oosdoppers.co.za](http://www.oosdoppers.co.za)

**Erediens videobank:** <http://ow.ly/ivfZ309vsdc>

**Intydse erediensuitsendings op YouTube by:** Oos-Doppers Potch